



麻疹雙解編

全

武9
882



武門
の
イ
メ
の
編
卷

付笑人見先生著

麻疹雙解編

天香閣藏板

同
三
編

麻疹雙解編序

痘瘡與麻疹共受之父精
母血而夫人不能免者也
痘發於藏麻發於府猶天
地日月相對待矣スルカ痘多專

天香閣藏板

書而麻乃察：未有聞焉
即有之：僅：乎晨星爾余
嘗叙翻刻疹科治法綱言
之詳矣今茲甲申春麻疹
流行闔境沿門無不病者

乃至拙陋市醫東奔西突
殆不遑寧處藥價為之躍
貴矣麻疹雙解編人見伯
弘輯著也歷舉前哲之說
加以自家所見以折衷至

當鏤版行世余喜伯弘研
精其業而疹書又添一部
也於是乎言

文政七年首夏樗園杉舟

良撰



麻痘雙解編



總論

市門松蔭 人見任 輯

內經曰諸痛痒瘡屬心火也萬全云心火者君
火也君務德而不為毒為痒痛瘡瘍者乃命門
相火之所為也

翁仲仁云痘毒麻毒各有不同蓋痘毒出於臟
麻毒出於腑臟乃積受之地腑為傳送之所臟
屬陰故其受毒為最深腑屬陽故受其毒為差
淺故痘之發觸於天行時氣疹之發中於時氣

風寒痘當從外解疹當從內解麻疹之發輕而易解若有不解者乃為內實而外中風寒之盛也夫麻疹屬於肺故嗽而始出起而成粒勻淨而小陽氣從上故頭面愈多者為佳

孫一奎云麻疹浙地呼為瘡子又曰沙子吳地呼為疹子新安呼為麻總由有生初之淫火伏於命門之間命門具太極之理而陰陽五行繫焉臟腑之所生也蓋五行一陰陽陰陽一太極也天之與人咸相感通由其通故天寒而人身寒天熱而人身熱也天之癘氣一動則所稟之

毒隨感而發陽感之則疹出焉陰感之則痘出焉陽浮而淺故疹易出易斂陰凝而深故痘難出難痂陰陽二劫之毒盡出則向安矣余曰人之出疹出痘猶蚕之一眠二眠三眠也痘雖出於陰而實成於陽以氣為之固也疹雖出於陽而實藉於陰以血為之資也何見之痘非氣行則血不附安得結痂疹非血濟則氣失依焉能收斂斯陰陽升降之理一開必一闔血之附氣氣之依血陰根於陽陽根於陰陰陽互為其根也前人謂痘出於臟不知指何臟疹出於腑不

知指何腑而云之也。又謂疹出心肺故鼻涕而咳嗽余謂此皆臆度套詞而非有真知一定之見也。既曰疹出於腑心肺獨非臟乎。按內經鼻為肺之門戶通天陽毒上發熱毒薰蒸蓋肺位尊焉上又肺主毛竅毒從竅出是於肺而非出於肺也。要知痘之與疹皆出於命門之陰陽任按痘者陰中淫火毒畜於命門而疫癘為之引也。淫火者即慾火也。乃父母交媾之時任衝脈中之血出蓋非以火發動百脈則不能煉精也是以不可無慾火也。猶彼西洋所齋來謁刻

麻

吉的兒者執其線轉其板則體上火星霏霏而出者其事雖異理則同矣。

形症

萬全云痘大而炊腫者少陽三焦火也。陽道常饒故大而腫疹小而碎者少陰心火也。陰道常乏故小而密。三焦水穀之道路脾胃主納水穀治痘以脾胃為主心肺屬陽而位乎上心火旺則肺受之治疹專以肺為主觀其咳嗽者火炎則肺葉焦舉也。鼻流清涕者鼻為肺之竅以火燥金而液自流也。目中淚出者肺熱則移於肝

肝之竅在目也。或手搥眉目唇鼻及面者肺熱証也。

管梅云古謂麻即疹也。疹出如麻。成癩。癩出如豆。成粒。皆象其形而名之也。夫胎毒一也。疹出於五臟。臟屬陰。陰主血。故癩有形而有汁。其症寒熱備有也。疹出於六腑。腑屬陽。陽主氣。故疹有形而無漿。其症多實熱而無寒也。為症既異。則治法亦殊。痘宜內實。可用補劑。疹忌內實。只宜解散。惟初發之時。略相似耳。既出之後。痘則補氣以生血。疹宜補陰以制陽。何也。蓋疹熱甚。

則陰分受其熬煎。而血多虛耗。故治以清火滋陰為主。而不可少動其氣。若燥悍之劑。首尾當深忌也。世知痘症所係之重。而不知疹之殺人尤甚。方書多忽而不備。良可太息矣。

王宇泰云麻疹形症亦同。有如發風癩。疣瘡。癩起如雲頭。色赤成癩。隨見隨沒者。有如粟米頭。抗三番俱見。而不沒。至三日後。方收漸沒者。然皆謂之麻疹。其於欲出未出之際。當用發表之藥。發之則易出。易愈也。任按此症。往往有之家。嚴云。

本朝寶曆癸酉。享和癸亥。流布者俱是重症。而安永丙申。今歲流布者俱是輕症也。云云。故庸醫謂之風疹。或稱火毒也。可笑之甚哉。是所謂馬服之子。談兵者乎。

張路玉云。通身紅赤。起而成粒。勻淨而小。斜目視之。隱隱皮膚之下。以手摸之。磊磊肌肉之間。其形若疥。若丹。色貴紅潤。形貴尖聳。萬全云。痘瘡貴三四次出。謂出勻。麻貴一齊湧出。謂出盡。麻疹只要得出。便輕。減以火照之。遍身如塗朱之狀。此將出之兆。出形細密。與痘瘡

密者相似。但疹子隨出。隨沒。非若痘子之以漸長大也。出形鮮紅。與傷寒發斑相似。但疹子粒粒成瘡。非若斑之皮紅成片。如蚊蚤之迹也。

任按日本紀云。

敏達帝十四年辛亥。國行疫癘疾。民死者衆。又發瘡死者。充盈於國。患其瘡者。言身如被燒。被打。被雅。啼泣而死云云。今考之。衆人一般感於疫而發瘡疹也。恐是後世之麻疹乎。

萬全字泰管。擢茲云。疹子出沒。常以六時為準。假如子後出者。午時即收。午時出者。子時即收。

乃陽生陰成陰生陽成造化自然之數也。凡此
旋出旋收者，輕任按文政甲申添布者，其症雖
輕，大抵出沒以三日也。以其六時為準者，太槩
見紅點來以三小時必出盡焉。其沒也雖有遲速
復以六時而沒也。蓋痘者屬陰以養於陽而長
故陽數七日而膿成矣。麻者屬陽以養於陰而
出故陰數六時而功成。是以陽七陰六之數
而消息也。

治法

萬全云：疹喜清涼，痘喜溫暖。此法人皆知之。然

疹子初出亦須和暖則易出。所以發苗之初，只
要發出得盡，則毒便解也。

又云：只怕不能得出。若出盡則便毒解。故治疹
子者，發熱之時當察時令，寒暄以藥發之。如時
太寒以桂枝葛根湯發之，太熱以升麻葛根湯
合人參白虎湯發之。不寒不熱以荆防敗毒散
發之。如兼疫癘之氣，以人參敗毒散發之。

王宇泰云：既是心火刑肺，金即是賊邪。其証當
重何反輕於痘。余每治麻疹，但據見証以瀉白
散加減大劑投之。即至危困之証無不愈者。其

他時師用苦寒降火辛溫發表而陷於危亡者不可勝數安在其為心火刑肺也萬全云春溫夏暑秋清冬寒此四時之主氣也冬應寒而反溫陽氣暴泄火令早行人感之者至於來春必發瘡疥未出痘疹者必感而出雖曰胎毒未有不_レ由_レ天行者故一時傳染大小相似

張路玉云麻痘之初必由發熱但痘熱不過二三日即出麻熱有六七日或半月乃出或乍涼乍熱或壯熱經日不退始熱之際必見面赤眼腫多涕淚咳嗽連聲是其候也熱甚經日不退

曰壯熱惟正出時為正候若初發壯熱至已出而熱不少衰者其証必重清熱透肌湯出盡而壯熱不退者竹葉石膏湯去半夏加荊芥黑參沒後而壯熱不退者危急需涼解為主其有熱數日止而復作者有早熱而暮退者在初發時為邪熱未透葛根解肌湯正出之際而煩熱轉甚乃邪熱未解而復內攻也清熱透肌湯沒後見者為餘邪未盡四物湯換生芩赤芍加連翹黑參亦有麻退身涼越六七日而復熱者非餘熱未清即復感風邪當以意消息或因大病之

後中氣虛而然者治本為要臨病之機不可不審也。

王字泰云疹子欲出未出之時宜早發散以解其毒則無餘災若不預解使之盡出以致毒畜於中或為壯熱日久枯痺或成驚癇或為瀉痢或致血喘促或作疳蠹而死此雖一時戾氣之深未有不由於人事之未盡者任按此論寔千古之妙論而足以破萬事拋却之野狐禪矣此與道元禪師海洋遇颶風而酌船底沫以免危難同一軌轍也不似於程子所謂樵夫言不若

虛也。

表裡雙解論

翁仲仁云發表者治痘之先鋒也信哉此言也未有痘麻不由於外邪者矣其初不憎寒壯熱則何得發之乎又孫一奎加減四味升麻湯條云此升發之劑但一二帖則止不過表王字泰云大忌認作傷寒妄汗妄下汗則增其熱為鼻衄為欬血為口瘡咽痛為目赤痛為煩躁為大小便不通下之則虛其裏為滑泄為滯下多至不救慎之慎之。

任按夫痘者必苗而秀秀而實實而收收而後
毒盡也故發之解之托之清之而後春秋之功
成也麻者發之解之出疹之後亦宜表裡雙解
劉河間創立防風通聖散是即表裡雙解之劑
也今乃增損其方以錄于後又按寶曆安永往
往每麻疹行解刑人之腸而試之疹亦發於腸
胃也乃知疹出於肌表則腸胃亦然矣是所以
為宜於表裡雙解也

麻疹毒症治歌括 玉髓
疹為胎毒發于心 肺與相連熱毒侵

欬嗽鼻中清涕出 且觀雙目淚溼溼
凡遇冬溫最不祥 民多疫癘發瘡瘍
或遇斑瘡相傳候 可用湯丸最解良
斑疹須明歲氣先 勿輕汗下作傷寒
察人虛實施方法 莫犯天和損壽元
疹喜清涼痘喜溫 能知疹痘不同論
疹苗痘實無人解 謹始慮終用意斟
疹毒從來解在初 出形毒解却無憂
腹中脹痛邪猶伏 喘促昏沈命必殛
過期不出勢淹延 毒伏身中出現難

急用透肌體怠玩 豈堪臟腑受熬煎
 蒸蒸發熱欬聲頻 目脹面浮氣上行
 坐卧不安痰唾少 肺焦葉舉熱邪蒸
 火熱薰蒸汗潤身 毒邪併迫血違經
 汗多衛表邪從散 血去榮中毒少輕
 發熱之時吐利并 任他所出不須驚
 胞胎畜毒從今解 腸胃停汚自此清
 毒火薰蒸氣上炎 咽喉自此正煩疼
 從來痘疹多咽痛 莫作尋常喉痺看
 痘疹如焚引水饒 炎邪未許一椀澆

咽喉乾燥心家熱 津液枯虛胃腕焦
 一齊湧出莫驚惶 頃刻渾身朱錦裝
 似痘出時隨又沒 如斑紅處却成瘡
 痘瘡赤艷痒來攻 疹子紅鮮毒得鬆
 白疹血虛猶可療 黑斑候惡莫相逢
 疹家出沒合陰陽 出以溫和沒以涼
 連出不收陽氣盛 遲遲間出是陰強
 疹出渾身似火燒 毒邪壅甚急難消
 解肌只許皮膚暖 救裏宜令便溺調
 疹瘡出盡得安寧 邪未盡時氣未平

拂拂熱煩邪尚熾	頻頻嘔泄毒猶蒸
疹毒餘邪最作殃	幾經惡候致張皇
時行厲氣傳相似	疫鬼勾魂赴北邙
疹後流連熱不除	蒸蒸烙手髦毛枯
肉消骨立成疳瘦	得遇良工病可甦
發熱無休神漸昏	忽然癩癧似堪驚
莫將風癩同調理	小便宜多患早寧
疹毒流殃走馬瘡	牙齦潰爛食難嘗
脣瘡聲啞成狐惑	漏頰穿喉旦夕亡
疹毒漸成休息痢	晝夜不停多窘急

𧈧字書無按
 𧈧字彙又云
 安貌不

勿輕劫菴圖霸功	切忌禁口成惡疾
疹後連綿上氣欬	發作百聲終不歇
胸高肩息目虛浮	攤手搖頭泉下客
疹家禁忌法須防	鹽醋雞魚不可嘗
欲莫從心終是禍	物多爽口定為殃
瘡疹收還幸平復	飲食如常無𧈧軌
心腹絞痛忽頃亡	還是氣虛中惡毒
女人瘡疹最難醫	陰質從來血已虧
待得疹瘡將發日	只愁天癸有當期
發熱徑行非正時	火邪迫血血奔馳

禾彖

急須涼血停為美 莫待中虛悔却遲
發熱期逢經水行 毒邪行解免煩蒸
過期不止須當慮 補氣溫經令出勾
發熱適逢經水斷 血室空虛防他變
若然謔妄神不清 熱入血宮治勿緩
女子居經日已餘 豈堪瘡疹病來加
却愁血海停空垢 更怕胞門伏毒邪
崩漏無時血已枯 瀉而不滿臟中虛
豈堪當此天行病 濟弱扶危救幻軀
起發泡漿忽動經 血虛氣弱事堪驚

食多氣壯無他慮 不用須防陷伏臨
經行暴啞猝無音 血去津枯舌不榮
養血通經言語出 一朝聲價重千金
月事如行變壞瘡 內虛陷伏已乖常
藥靈中病終須吉 症逆違師倏忽亡
妊娠瘡疹治應難 惟有安胎法最先
不可令胎輕觸動 胎元觸動命將殘
瘡正甚時正臨產 幾人束手功莫展
瘡際惡路相時行 補益元神休忌憚
產後如逢出疹瘡 此時胎去免憂惶

只憑補益收功效

莫犯寒涼生氣傷

痘挾麻治驗

享和癸亥山口某之童痘挾麻甚危其父來請治於家君行診之云此兒去歲患疥瘡久而羸瘦潮熱飲食日減其疥雖瘥而餘毒發股間或時出膿今尚不瘥四月上浣發熱而出痘稍稀少起脹下日熱又大盛而疹頗稠密下利絕穀煩渴引飲乃審視之即麻挾痘也痘雖差輕至灌漿之期而不能行漿平塌闇晦其毒內攻舌胎黃黑併唇麻疹隱隱於皮下壅遏而不得透

發闇慘紫黑眼胞腫閉熱淚流出強開而視之則直視呼吸息迫痰喘壅塞其毒上衝於心之熱見先醫之藥即參歸鹿茸湯主人云此兒可救乎曰此挾麻痘也其症尤危矣殆不可救藥斯曾患疥瘡久因致脾胃虛損其痘雖吉為麻毒所擁而不能起發今用參芪補之則猶抱薪救火豈可得救乎假令雖與寒涼一二劑猶以一杯之水而救一車薪之火何益之有強請藥仍用黃連解毒湯合消毒飲加石羔犀角類與之次日視之毒候稍減而麻發手足而面上未

透而痘者自若。再加紫草牡丹反鼻浮萍與之。
次日痘毒半解熱勢稍減。吃糜粥少許。痰喘未
定。因與清金降火湯兼用辰砂益元散。次日熱
毒大解。痰喘諸症退。因用師傳大力子湯。加麥
門桑白皮連翹生苧石羔與之。面部四肢麻盡
發。痘亦結痂之期。而再回漿。吃食益倍。貫用前
方三日。痘結痂麻收沒。下利亦止。後用師傳小
連翹飲。加桔梗黃芩生苧以調理之。蓋此痘挾
疹者。是傷寒論所謂併病乎。此童之弟亦痘挾
麻。痘麻一時而患之。是傷寒論所謂合病乎。姑

錄之以族他日之再考。

痧疹前後主方 凡一百零八條

升麻葛根湯 活人瘡疹已發未發疑似之間宜

服一名升麻湯加紫蘓川芎一名升麻蘇葉湯

又合香蘓散名升蘓散加柴胡一名柴胡升麻

湯治法綱云身心煩熱即溫服寒多即熱服

葛根解肌湯醫通麻疹正出時為風寒所遏而

色白如膚必毛竅踈慄主之。又云有其有熱

數日止而復作者有早熱而暮退者在初發

時為邪未透主之。又云麻之初起吐瀉交作

者順乾霍亂者逆欲吐不吐者危嘔吐是胃
中熱邪不得發洩而作者主之又云壯熱無
汗而皮膚干燥者必風寒壅滯難出多成內
攻之候或腹脹痛或發喘促宜與之

升蘊散百問治小兒出疹發熱疑似之間以此
解之方與活人不同

加味升麻葛根湯活幼治同

惺惺散局方小兒傷寒壯熱當服大效次服
活散準繩云治數症皆為純陽人所用古人
處為小兒藥非乃裏寒者可服且藥對症用

之太抵渾身壯熱必由風熱瘡疹傷寒時氣
且先與之也

防風解毒湯心印治麻痘初發熱如時令溫煖
用此辛涼之藥發之

升麻解毒湯同治麻痘初熱如時寒用此辛平
之劑

加味麻黃散同麻痘發不出以此發之
黃連解毒湯活人治大熱不止煩躁乾嘔口渴
喘滿陽厥深蓄熱內甚及汗吐下後寒涼諸
藥不能退其熱者回春有柴胡連翹

同銘方心印治麻痘初發如時令暄熱用此辛寒之劑發之準繩無牛房子有大青保赤與心印同。

桂枝解毒湯同治麻痘初熱如時令大寒用此辛溫之劑發之任按此行寒威頗有麻疹或云嚴寒之時無麻疹也而稱其寒者即指病人之體寒而言也可笑之甚也時令之令字可視依引于茲為証。

加減四味升麻湯心印說見于前。防風葛根湯同治痘發癢疹及麻疹等發熱。

瀉白消毒散準繩麻疹輕者主之治法綱無浮萍。

金沸草散同麻疹重者主之兼泄利者合升麻葛根湯以白芷代葛根此余創立治法用之無不効者治法綱云加紫蘊筍尖山查牛房子冬加麻黃。

翁氏檉葉散心法即獨聖散治法綱云如平時痧疹發不出喘嗽煩悶躁亂用之長孺曰神秘之方又砂糖調服治痧後痢。

甘桔湯消毒散瀉白散三方合用內桑白採鮮。

者準繩疹子初發時未出現咳嗽百十聲不止上氣喘急面赤目胞腫主之熱盛煩渴加石羔知母黃芩天花粉

清咽滋肺湯醫通初發時必咳嗽宜清熱透表不得止嗽麻後欬切忌辛溫酸滯但用之以清飲解熱痰壅自愈

射干消毒飲同治麻疹咳嗽聲痛咽喉腫痛清金寧嗽湯金鑑治疹已出咳嗽乃肺為火灼荆防敗毒散同症同上遂巡不出者乃風寒外束皮膚閉密也宜之玉髓云如不寒不熱者

以辛平之藥發之此方主之

桂枝葛根湯玉髓如前症天時大寒之時以辛熱之藥發之

人參敗毒散同如麻兼疫病之氣以辛平之藥發之

李氏敗毒散治法綱即前方減羌活前胡柴胡獨活加升麻蟬退紫草牛蒡子者

射干蠶粘子湯甘桔湯加玄參連翹牛蒡子準繩疹出之時咽喉腫痛者宜之

加味消毒飲醫通治血熱咽喉不利即本方加

紫草糯米者

犀角消毒飲醫通治咽喉腫痛即本方加犀角
忍冬連翹者

十全散心印麻症咽喉腫痛為未吹入準繩疹
出之時咽喉腫痛者乃毒火上薰而然勿作
喉痺治勿妄用針刺喉痺者內作癢腫故宜
决去惡血麻疹只是咽乾作痛宜甘桔湯加
玄參牛蒡子連翹或射干鼠粘子湯細細嚥
之錢氏甘露飲子亦可外用十全散玉鎖匙
點之玉髓云瘡疹咽痛亦是常候云云

鼠粘子湯治法綱海藏云治小兒瘡疹欲出未

能透皮膚熱氣攻咽喉眼赤心煩

麻黃湯玉髓發熱六七日以後是疹子却不見

出此皮膚堅厚腠理閉密又或為風寒所襲

曾有吐利乃伏也急用托裏發表之劑麻黃

湯杏仁加蟬退升麻準繩云杏仁加蟬退

之外用胡荽酒蘸苧麻刮之如一向未更衣

者毒甚於裏伏而不出也河間涼膈散加牛

房子主之準繩云麻九散治法綱同發之解

之再不出者死証也治法綱云煩渴加石羔

加臘茶葉煎

連翹升麻湯治法綱

加味麻黃散保赤治麻痘發不出テ

繆氏檉葉葛根湯廣筆治法綱名檉前葛根湯

如冬天寒甚痧毒鬱于內不得透出喘渴悶

亂煩躁不定加麻黃主之ヲ

清熱透肌湯醫通治麻疹未透者又已出熱不

退者其証必重又云正出之際而煩熱轉甚

乃邪熱未解而復內攻也主之ヲ

清肺湯同發熱時偏身汗出或衄血者此毒解

也勿遽止之若汗出太多失血不止去欬冬

花杏仁加麻黃葛根以欬汗按麻黃宜用根

茅花湯心印治麻痘鼻衄科鍵同

同銘方準繩主治同前

犀角地黄湯主治同醫通云宜止血主

之遲則氣虛神耗為不治ト

玄參地黄湯治法綱王損庵曰衄太多主之又

茅花湯宜之ニ

涼血飲子醫通麻疹色紫赤而黯是火毒熾盛

頂粒起者可治主之ヲ

養榮湯心印治麻痘色白痘科鍵云血不足也

此方主之

大青湯同治麻痘紫赤暗晦乾躁保赤同

白虎加人參湯傷寒合黃連解毒湯活人黃連

湯準繩疹子發熱或自汗出或鼻衄者不須

止之亦發散之義汗則毒從汗散衄則毒從

衄解但不可太過如汗太多主之或黃連湯

主之衄太多玄參地黃湯茅花湯主之

加味黃芩湯準繩疹子發熱吐利乃火邪內迫

純是熱証不可作寒論上焦多吐宜之加茅

根蘆根枳葉下焦多利宜之送下香連丸

中焦吐利多加茅根蘆根調六一散自利甚

則裏急後重而為滯下宜之調六一散大抵

疹家吐利滯下宜於疹家求之不可作吐利

滯下而治

銅壁山人黃芩湯同亦調六一散加大黃

竹茹石羔湯心印治痘麻嘔吐科鍵云發時火

邪內逼毒氣上行則嘔吐宜之

升麻澤瀉湯科鍵毒下行則自利宜之

柴胡橘皮湯準繩嘔洩者主之大小無比散兼

用

門冬甘露飲醫通渴乃肺胃熱盛之候唇口必紅二便秘瀆者主之

葛根麥門散準繩病者渴喜飲水是純火邪肺

焦胃乾心火內亢故也初發熱渴者前發散

藥中多加石羔天花粉或此湯主之疹子出

見渴者合白虎湯加天花粉渴甚者白虎湯

合黃連解毒湯

白虎湯加麥門竹葉醫通云渴而煩躁者是

熱邪凌燦心包也主之

翁氏大青湯準繩色太紅殷或微紫者血熱也

或出太甚者宜之即心印同銘方無桔梗山

梔升麻人中黃有生芩甘草地骨皮荆芥者

四順清涼飲同解其裏大便不通者主之

化毒清表湯活幼麻已出而紅腫太甚宜用

化斑湯赤水治色過紅者不早治則毒火熾盛

或變作焦紫保赤瘡科鍵竝云疹多于耳後

頂上腰腿先見是頂尖而不長形小而勻淨

者吉兼紅者症輕可主治

同銘方醫通有麻夾痘而出者此毒大盛故一

齊湧出不必治疹。但當托痘為主。然治痘宜
溫治疹宜涼。此又不可不審。大人男孺出疹。
當與外感並治。惟清涼解表。隨天時寒暑施
治。麻疹並作。藏府風熱交患也。麻乃風邪外
感。痘為胎毒內發。二者相雜。赤暈發焮。多有
誤認。痘大密而委之。不救。殊不知其為疹夾
痘也。當與之續。續頻進。麻毒解而痘自起矣。
任按萬全或問云。李少陽曰。痘先痧後。鎔天
元以培植。痘自美麗而不罹于夭折之虞。痧
先痘後。拮榮衛于囂金。痘必沈匿而不躋于

充裕之美。則知痘症之要。全恃乎肺氣也。明
矣。黃石峰曰。太陰肺兮。腎所資。肝榮不侮土
中。脾若教。痧痘交相見。培土滋金。兩不虧。觀
此。而痧痘並形之治。不可偏廢者也。

消毒飲。局方痘科鍵云。疹已出而反沒者。風寒
逼之也。若不早治。毒必內攻。急用之。

七物升麻丸。準繩說見于前。治法綱云。疹子發
熱吐利。乃火邪內迫。是熱症。凡四肢大熱。大
便難。微利之。則其熱即解。其疹即出。大安。

辰砂導赤散

治心熱煩躁驚悸

退火丹 準繩 治狂言發搐驚悶

活血散 海藏 治疹子或出不快

如聖飲子 同 治小兒毒攻咽喉腫痛

當歸丸 同 大便過秘宜微利之

柴胡飲子 同 表裏俱實主之

河間涼膈散 玉髓 表裡俱熱純陽無陰之証主

之

紫雪 局方 治法綱 治瘡疹藏府熱口爛齒腫水

漿不入方與局方同 聞人氏痘疹論無滑石

磁石消石代芒硝

解毒丸 治法綱 主毒盛者

繆氏清揚飲子 廣筆記 痘疹之主方 仲淳無氏名

竹葉石羔湯 治法綱 疹發時多喘者壅于肺故

也勿用定喘藥 惟應太劑 竹葉石羔湯加玄

參薄荷西河柳 醫通云 又出盡而壯熱不退

者去半夏加黑參荆芥

龜虎湯 廣筆記 法綱云 賀少君病疹家人不知

尚以肉飯與之 仲醇見之驚曰 此痧疹之極

重者何易視之 進以之進二劑而痧盡現遍

體皆赤連進四劑痧雖出盡煩躁不止勢尚
不可保再進以大劑三黃石羔加檉葉湯濃
煎飲之煩躁定而瘥。

繆氏三黃石羔湯仲醇治疹出後煩渴者。

表裡雙解散新定說見于前涼膈散加當歸川

芎芍藥麻黃石羔白朮滑石荆芥防風者或

當歸芍藥白朮薄荷隨症去之血熱夾斑夾

丹或過紅者加紅花生芩太青紫草等或加

浮萍檉葉等隨症宜加減。

牛房吟連湯回春治熱盛毒甚咽痛夾斑夾丹

當歸六黃湯心印治發汗太過者

費氏涼血攻毒飲鎖言治麻疹血熱壅鬱

升連飲子治法網多泄瀉慎勿用上瀉藥用之

則瀉自止且疹家不懼泄瀉陽明之邪熱得

解是亦表裡分消之義也。

清熱導滯湯治幼有毒氣流注而成痢者宜用

黃芩芍藥湯心印治麻疹滯下科鍵云毒甚則

裡急後重而為滯下即加黃連生芩木通當

歸人參枳殼

平胃散科鍵疹出自利不止最為惡候然遍身

稠密或紅色者則又不妨蓋毒在大陽非瀉
不解惟用之待發而收自然瀉止若已收瀉
不止疹毒必未盡再用前藥加連翹牛蒡木
通澤瀉以分利之萬不_レ_レ訶子肉豆蔻等
遊滯_一

黃芩湯保赤治麻後赤白痢加益元散

糖調檉葉散治法綱治痧後痢

清金降火湯心印治麻後熱乘肺金聲啞不出

或咳或喘_上

麥門清肺飲同治麻後咳嗽出血或噎出湯水

瀉白散直訣加天花粉連翹玄參黃連科健咳

嗽口乾心煩者毒在心肺發味盡也用之或

黃連杏仁湯亦可作瀉加厚朴甘草

加味地骨皮散準繩治疹出發熱不退飲食不

進

苦梗飲治法綱疹後咳嗽慎勿輕用五味子等

收斂之劑只宜之

除熱清肺湯醫通治麻疹盡透而壯熱咳嗽太

便秘結

門冬清肺湯準繩疹退之後微微咳嗽者此餘

毒味盡也。瀉白散合消毒散主之。若咳甚氣喘連聲不住甚。至飲食湯水俱噎出者。此熱毒乘肺而然也。宜之加枇杷葉見血加茅根汁阿膠主之。但見胸高如龜殼肩聳而喘出血口鼻擺手搖頭面色或青或赤或白而枯者皆不治也。即麥門清肝飲去石羔糯米加欬冬桑白地骨者。

四物湯去生芩加柴胡黃芩紅花防風牛蒡子連翹準繩色紫赤乾燥闇晦火盛毒熾也。六一散解之。四物湯加減滋陰涼血熱自除所

謂養陰退陽之義也。或大青湯玄參解毒湯亦可用。

升麻芍藥湯治法網若疹後泄瀉及便膿血絲邪陷故也。大忌止澁惟宜升散之藥乃用之。簡明醫鼓一方麻疹沒後熱仍不退而痛引胸中者。

蘆薈肥兒丸科鍵疹已收反發熱晝夜不退宜之遲則髮焦膚稿為骨蒸癆瘵之証主之。四物湯心印疹後時熱煩躁驚悸此陰血衰耗餘毒入肝而傳于心也。宜養血安神四物湯。

加麥門酸棗灯心甘草竹葉石菖茯神龍胆
辰砂黃連或以此用証料餅猪心血為丸
一方丸藥心印疹毒入胃牙齦黑爛血出而頰
浮腫名走馬疳外用文蛤散雄黃散內用
中白蘆薈史君龍胆黃連五靈脂浸蒸餅為
丸流水服之以清胃火亦或有得生者但不
多見也

甘露飲子局方法綱云錢氏治心胃熱咽痛口
舌瘡並瘡疹已發未發之間隨症用之又治
熱氣上攻齩腫齒搖動

青蓮國老湯法綱若痧後元氣不復脾胃虛弱
宜用之

柴胡四物湯世醫髮枯毛豎肉消骨立漸漸羸
瘦者主之

柴胡麥門冬散同疹子收後身有微熱者此虛
熱也不須施治氣血和暢則自然退去若熱
太甚或日久不減宜之熱甚者間服黃連解
毒湯白虎湯

參柳湯治法綱治痘瘡之後見麻疹者
七味白朮散直訣醫通云若二便清利唇色不

紅而渴者此必寒涼大過脾胃不生津液而
作渴也去木香加粳米主之任按此症稀於
麻疹而多於痘瘡玉髓有人參白朮散即是
也

加味涼膈散金鑑治疹已發而失音者

白虎湯合升麻葛根湯纂要治孕婦麻疹出不

映

四物湯心印孕婦麻疹但當以四物湯倍加白

木黃芩艾葉但以安胎清熱為主使胎無虞

而疹易沒如胎氣上衝急用芎麻根煎湯磨

枳榔並服之更多服上藥為妙任按享和癸
亥多孕賴患麻疹者皆不墮胎而全愈者多
有之俱用此法又用前白虎合升麻湯而大
取効多

固胎飲纂要治孕婦麻疹熱甚胎氣不安若服

之腹痛腰酸胎在必墮即以產法論先用大

補次用他症藥胎雖動而煩可生

柴胡飲子醫通治疹沒後為風熱所侵而眼眶

赤爛者急治之否則為終身痼疾

羚羊角散撮要治疹後餘毒不解上攻眼目生

醫羞明眩疾俱多紅赤腫閉

加味逍遙散世醫有下種病後瘦弱唇白氣虛

感時氣出痧疹或體虛痧出白色少紅活者

去之即局方逍遙散去煨姜加陳皮麥門冬

牡丹葛根者

連翹生地飲法綱痧後生瘡不已餘熱未盡故

也宜之

當歸養血湯準繩疹後渾身壯熱未至羸瘦但


多播掣煩躁不寧此熱在心脾二經也用之

黃連安神也間而服之

有數方宜審診察寒熱虛實而撰用上也其藥

方則錄在於後編也

麻疹雙解編終



Faint bleed-through text on the right page, possibly including characters like '厚' and '片'.

Main ruled area of the right page with vertical lines for writing. Faint bleed-through text is visible across these lines.

Vertical bleed-through text on the left edge of the ruled area, including characters like '厚' and '片'.



